



REPUBLIKA HRVATSKA  
Povjerenstvo za odlučivanje o  
sukobu interesa

BOSNA I HERCEGOVINA  
CENTRALNA IZBORNA KOMISIJA  
SREDIŠNJE IZBORNO POVJERENSTVO



БОСНА И ХЕРЦЕГОВИНА  
ЦЕНТРАЛНА ИЗБОРНА КОМИСИЈА

**MEMORANDUM O SARADNJI  
između  
Povjerenstva za odlučivanje o sukobu interesa Republike Hrvatske  
i Centralne izborne komisije Bosne i Hercegovine**

**Uvod**

Povjerenstvo za odlučivanje o sukobu interesa Republike Hrvatske i Centralna izborna komisija Bosne i Hercegovine (organ koji provodi: Zakon o sukobu interesa u institucijama vlasti BiH; Zakon o sukobu interesa u organima vlasti Federacije BiH i Zakona o sukobu interesa u institucijama Brčko distrikta BiH), (u daljnjem tekstu: „potpisnici“) u želji za unapređenjem i intenziviranjem njihove međusobne saradnje na prevenciji i sprječavanju sukoba interesa u okvirima nacionalnih zakonodavstava njihovih država, saglasili su se o sljedećem:

**Član 1.**

Potpisnici su saglasni saradivati u područjima koja se odnose na prevenciju korupcije i sprječavanje sukoba interesa javnih zvaničnika.

**Član 2.**

Cilj ove saradnje je razmjena znanja i stečenih iskustava u primjeni međunarodnih pravnih standarda i nacionalnih propisa iz područja navedenih u članu 1. ovog Memoranduma.

**Član 3.**

Saradnja će biti uspostavljena kroz studijske posjete, zajedničke obuke i projekte, organizaciju radionica, seminara i konferencija, zajedničke edukacije potencijalnih subjekata sukoba interesa, poboljšanje pristupu informacijama koje su od značenja za sprječavanje, odnosno odlučivanje o sukobu interesa, borbu protiv korupcije te ostvarivanje regionalne saradnje s istim i sličnim organima javne vlasti.

**Član 4.**

U cilju djelotvornije realizacije projekta i ostvarivanja, ovim Memorandumom, definisanog cilja, potpisnici će se međusobno savjetovati i razmjenjivati relevantne informacije te saradivati na unapređenju pravnog okvira i promjenama postojeće legislativne kojim se uređuje područje sukoba interesa.

**Član 5.**

Ovaj Memorandum može se izmijeniti i dopuniti uzajamnim pisanim pristankom potpisnika.

**Član 6.**

Ovaj Memorandum stupa na snagu datumom potpisivanja.  
Svaki potpisnik može okončati ovaj Memorandum u svako doba pisanom obaviješću drugom potpisniku šest mjeseci unaprijed.

Potpisano u Sarajevu, dana 26.07.2011. godine u dva originala, svaki na hrvatskom, srpskom i bosanskom jeziku, pri čemu su sva tri teksta jednako vjerodostojna.

Za  
Povjerenstvo za odlučivanje o  
sukobu interesa Republike Hrvatske

Predsjednik  
Mate Kačan, dipl. iur.



Za  
Centralnu izbornu komisiju  
Bosne i Hercegovine

Predsjednica  
Irena Hadžiabdić

